

## **ADMINISTRACIÓN LOCAL**

### **MUNICIPAL**

#### **VILAGARCÍA DE AROUSA**

##### **FUNDACIÓN DE DEPORTES CONCELLO DE VILAGARCÍA DE AROUSA**

###### **Subvencións e axudas**

*BASES DA CONVOCATORIA DE SUBVENCIÓNS DA FUNDACIÓN DE DEPORTES PARA  
ACTIVIDADES DEPORTIVAS EXTRAORDINARIAS, ORGANIZADAS ANO 2018*

*BASES DA CONVOCATORIA DO EXERCICIO 2019, CORRESPONDENTES ÁS SUBVENCIÓNS DESTINADAS  
Á ORGANIZACIÓN DE ACTIVIDADES DEPORTIVAS EXTRAORDINARIAS, REALIZADAS DURANTE  
O ANO 2018.*

###### **1.—FINALIDADE E OBXECTO:**

A Lei 3/2012, de 2 de abril, do Deporte de Galicia, no seu artigo 8.1, sinala como competencia dos Concellos a de fomentar, promover e difundir o deporte, especialmente en idade escolar. Para o fomento desta actividade de interese social, as bases da presente convocatoria teñen por finalidade a promoción de actividades deportivas extraordinarias dos Clubes/Entidades Deportivas Locais, non mercantís, non profesionais, e consecuentemente sen ánimo de lucro, de acordo ó sinalado nos artigos 40 ao 50 da devandita lei, en réxime de concorrencia competitiva.

O obxectivo desta convocatoria é financiar, en parte, os gastos correntes estrita e directamente derivados da realización das actividades deportivas extraordinarias dos colectivos de base expresados no parágrafo anterior, a efectos de que estes poidan alcanza-los seus obxectivos.

As actividades deportivas extraordinarias realizadas polos Clubes/Entidades Deportivas fomentan, promocionan o Deporte Local, a convivencia e o dinamismo na localidade no que se celebra.

###### **2.—LEXISLACIÓN APLICABLE:**

Lei 38/2003, de 17 de novembro, Xeral de Subvencións e, demais normativa Estatal, Autonómica, concordantes. Asemade das normas que se aproben ou teña aprobadas o Concello de Vilagarcía de Arousa.

###### **3.—CONSIGNACIÓN:**

A contía total que se destina a esta finalidade será a que figure na partida 341-483,01 do orzamento da Fundación de Deportes do Excmo. Concello de Vilagarcía de Arousa, ano 2019 ou presuposto prorrogado do ano anterior.



Xoves, 28 de febreiro de 2019

Núm. 42

**4.—DESTINATARIOS E REQUISITOS:**

Poderán acceder a estas subvencións os Clubes ou Entidades Deportivas con sede social no Municipio de Vilagarcía de Arousa e que figuren inscritos no Rexistro de Clubes/Entidades Deportivas da Fundación Pública de Servicios Deportivos Municipais do Excmo. Concello de Vilagarcía de Arousa que cumpren os seguintes requisitos:

- Clubes/Entidades Deportivas sen animo de lucro e con Personalidade Xurídica Propia.
- A actividade ou evento extraordinario fora realizado no Concello de Vilagarcía de Arousa, durante o ano 2018.

**5.—OBRIGAS DOS BENEFICIARIOS:**

Son obrigas dos beneficiarios:

a.—Cumprir o obxectivo, executar o proxecto, realizar a actividade ou adoptar o comportamento que fundamenta a concesión da subvención.

b.—Xustificar o cumprimento dos requisitos e condicións, a realización da actividade e o cumprimento da finalidade que determinen a concesión ou disfrute da subvención.

c.—Someterse ás actuacións de comprobación e control dos órganos competentes, así como, aportar a información que lle sexa requirida no exercicio das actuacións anteriores.

d.—Comunicar ao órgano concedente a solicitude e a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dos fondos percibidos.

e.—Responder da veracidade dos datos da solicitude e dos documentos baixo a responsabilidade da persoa que o suscriba.

f.—Que en todas as publicacións, carteis, etc. que existan, deberá figurar a Fundación de Deportes como Entidade patrocinadora ou colaboradora. Asemade a publicidade (pancarta/s, vinilo/s, etc...) facilitada pola Fundación de Deportes deberase colocar nun lugar preferente onde se desenvolva a actividade obxecto da subvención, sendo por conta da organización a colocación da mesma.

g.—A publicidade reflexada no apartado anterior redactarase preferentemente en lingua galega, circunstancia obrigatoria nos eventos de ámbito local, provincial e autonómico.

**6.—DOCUMENTACIÓN (SOLICITUDE E XUSTIFICACIÓN):**

Os solicitantes deberán presentar a seguinte documentación:



Xoves, 28 de febreiro de 2019

Núm. 42

### 6.1 SOLICITUDE:

6.1 a.—Unha solicitude debidamente cumprimentada, cada Club/Entidade Deportiva poderá presentar unha solicitude para o evento deportivo que considere máis importante. A presentación da solicitude non implica necesariamente que o evento vaia a obter axuda económica, quedando o Consello Reitor da Fundación de Deportes facultado para asignar a axuda económica que estime oportuna en función da cualificación que otorgue ó evento e incluso, non conceder axuda económica.

6.1 b.—Aquela outra documentación que consideren deba ser tomada en consideración, en relación co baremo que figura no apartado 14 destas bases.

6.1 c.—Breve memoria explicativa da actividade realizada pola Entidade que deberá incluír datas e lugar de celebración, número de participantes, balance económico detallado de gastos e ingresos e calquera outro dato que sirva para xustificar a necesidade da subvención.

6.1 d.—Os solicitantes deberán indicar na folla de solicitude, o número BIC e IBAN da conta bancaria da que son titulares e, no caso de que exista cambio da Conta Bancaria xa comunicada á Fundación de Deportes, deberá presentar impreso selado pola entidade bancaria que corresponda, no que figuren o Club/Entidade Deportiva como titular e o seu nº BIC e IBAN da súa conta bancaria.

6.1 e.—Declaración do Club/Entidade Deportiva asinada polo seu Secretario co Vº e Prace do Presidente de non atoparse en ningún dos supostos de incapacidade e incompatibilidade para a percepción de subvencións ou axudas públicas (anexo I).

6.1 f.—Declaración do Club/Entidade Deportiva asinada polo Secretario co Vº e Prace do Presidente, na que se fagan constar as contías das axudas asignadas ou recibidas por outras Administracións Públicas, ben directamente ou ben a través das Federacións deportivas, así como doutros axentes para a mesma finalidade (anexo II).

6.1.h- Autorizacións ao Concello e/ou Fundación de Deportes para que poida consultar ou solicitar os certificados de estar ao corrente coa Recadación Municipal, Seguridade Social, Axencia Tributaria e, coa Consellería de Economía e Fancenda (anexo III). No caso de que as citadas Administracións poñan algún impedimento para que este Organismo Autónomo solicite os certificados correspondentes, se lle requerirá aos Clubes/Entidades Deportivas, para que presenten as certificacións orixinais ou fotocopias compulsadas.

### 6.2 XUSTIFICACIÓN:

6.2 a.—Para a xustificación da subvención será necesario a presentación da totalidade das facturas ata completar o 100% do balance económico presentado na súa solicitude do evento subvencionado, para recibir a totalidade da subvención, requeríndose a xustificación do pago dalgunhas das facturas ata completar un importe igual ou superior á subvención concedida.



Xoves, 28 de febreiro de 2019

Núm. 42

No caso de que se xustifique un gasto inferior ao 100% do presuposto subvencionado, aboarase a parte proporcional da subvención.

6.2 b.—A documentación necesaria para xustificar a subvención será a seguinte:

a) Facturas de gastos realizados na actividade obxecto da subvención e nas que figurarán necesariamente os seguintes requisitos:

a:1 Nome, razón social e NIF ou CIF de quen emite a factura.

a:2 Nome e CIF do beneficiario da subvención.

a:3 Detalle dos servicios prestados, contía dos mesmos con expresión do IVE, se non están exentos.

a:4 Xustificación do pago das facturas (as facturas que se acompaña do xustificante de pago deberán representar, como mínimo, o importe da subvención concedida. O pago xustificarse con calquera medio legalmente admisible). As facturas deberán corresponder cos epígrafes do balance de gastos presentado xunto coa solicitude de subvención. As operacións con importes superiores a 2.500,00 € non poderán ser pagadas en efectivo, de acordo co previsto na Lei 7/2012 de 20 de outubro de 2012, polo que deberá acreditarse o seu pago mediante xustificante bancario co selo da Entidade bancaria. No resto dos casos o pago acreditarase por calquera dos seguinte medios: certificados do proveedor, factura simplificada ou de caixa, indicación na factura do pago asinado pola persoa responsable co seu nome e apelidos e/ou DNI ou, por transferencia bancaria co selo bancario.

b) Aceptaranse como xustificantes de gasto, Certificacións oficiais federativas, de Colexios de Árbitros ou Pólizas de Seguros de Responsabilidade Civil, correspondentes á actividade subvencionada. Así como recibos de colaboradores ou axudantes que deberán cumprir os seguintes requisitos: nº de recibo, lugar e data, datos do interesado e do club ou entidade deportiva (nome, domicilio, NIF ou CIF), descripción do concepto de gasto, precio total e IVE repercutido ou IVE incluído cando o importe total do recibo non exceda de 400,00 €.

c) Tamén serán subvencionables os gastos financeiros, incluídos os intereses, gastos notariais e rexistrados directamente relacionados coa actividade subvencionada e que sexan indispensables para a realización da mesma. Quedan excluídos as amortizacións de préstamos.

d) Non se aceptarán como xustificantes de gastos, aqueles que teñan como obxecto actos protocolarios.

e) Declaración do Club/Entidade Deportiva asinada polo Secretario co Vº e Prace do Presidente na que se exprese, baixo a súa responsabilidade ter cumprido o obxecto da subvención (anexo IV).

A solicitude e anexos formalizaranse nos modelos normalizados que se facilitarán na Páxina Web <http://www.vilagarcia.es> (Taboleiro) ou Sede Electrónica, no enderezo <https://sede.vilagarcia.gal>, sección da Fundación de Deportes (Modelos ou catálogo de procedementos da Fundación de Deportes).



Xoves, 28 de febreiro de 2019

Núm. 42

## 7.—LUGAR E PRAZO DE ADMISIÓN DE SOLICITUDES:

7.1.—As solicitudes acompañadas da documentación requerida, de acordo co establecido nos apartados anteriores, presentaranse a través da Sede Electrónica, no enderezo <https://sede.vilagarcia.gal>, sección da Fundación de Deportes, catálogo de Procedementos, CONVOCATORIAS DE SUBVENCIONS, no REXISTRO ELECTRÓNICO. A presentación telemática producirá plenos efectos xurídicos sempre que a solicitude sexa enviada dentro do prazo establecido.

Para presentar a solicitude de xeito telemático será imprescindible, cando menos, que o presidente, persoa que deba asinar documentos, ademais da persoa designada como representante para o envío da solicitude ao rexistro telemático, dispoñan de sinatura electrónica, así como deberá/n acreditar a súa representación por calquera medio admisible en dereito.

Nota informativa: No caso de que a sede electrónica non admita a documentación pode ser debido ao tamaño dos arquivos, neste caso dividan a documentación en varios PDFs e nomeen cada un deles en función da documentación que conteña, se aínda así persisten os problemas proben a realizar varios rexistros, ou poñanse en contacto coa oficina da Fundación de Deportes e/ou Informática.

**IMPORTANTE:** Tendo en conta que a presentación telemática impide a presentación de orixinais ou copias compulsadas, a Fundación de Deportes, a través do persoal correspondente, poderá solicitar a presentación física das facturas orixinais e xustificantes de pago orixinais presentados, aos efectos do cotexo de datos.

7.2.—O prazo de admisión de solicitudes finaliza 20 días naturais despois do día seguinte á publicación da convocatoria no BOP.

## 8.—TRAMITACIÓN:

A Fundación de Deportes do Concello, revisará os expedientes de solicitude e verificará que conteñen a documentación esixida. Se resulta que a documentación está incompleta ou defectuosa, requirirase ao solicitante para que no prazo improrrogable de DEZ DÍAS hábiles a partir da data de recepción da notificación telemática, a través da Sede Electrónica, que terá a súa disposición unha vez sexa comunicado ao correo electrónico facilitado polo solicitante, achegue a documentación necesaria ou corrixa os defectos observados.

Vencidos os prazos que se establecen nas presentes bases sen que o/a interesado/a da subvención achegase a correspondente documentación, entenderase que renuncia a percepción da subvención.

## 9.—RESOLUCIÓN:

A instrucción do expediente realizarana o/a Presidente/a, director Deportivo e Administrativa/Xestora da Fundación de Deportes, que formularán as propostas de concesión de Subvencions.



Xoves, 28 de febreiro de 2019

Núm. 42

A aprobación das propostas de concesión das subvencións corresponderá ao Consello Reitor da Fundación de Deportes.

**10.—PAGO:**

Cumpridas as esixencias de xustificación documental citadas nas presentes bases, remitirase o expediente a Intervención para as comprobacións que procedan e posterior tramitación para o seu pago.

**11.—REINTEGRO DE CONTAS PERCIBIDAS:**

Procederá o reintegro da cantidade percibida, sempre e cando se produza o incumprimento das presentes Bases e, nos supostos que establezca a Lexislación aplicable.

**12.—RESPONSABILIDADE E RÉXIME SANCIONADOR:**

12.1.—A Fundación Pública de Servizos Deportivos Municipais do Excmo. Concello de Vilagarcía de Arousa poderá dispor que se efectúen as comprobacións oportunas sobre a veracidade dos datos presentados polos solicitantes, para unha mellor valoración das solicitudes e resolución do expediente.

12.2.—Os beneficiarios virán obrigados a comunicar á Fundación de Deportes a obtención de subvencións ou axudas para a mesma finalidade procedentes de calquera administración pública ou ente público ou privado.

12.3.—Así mesmo o beneficiario facilitará canta información lle sexa requirida polo Tribunal de Contas ou Consello de Contas, no seu caso.

12.4.—Os beneficiarios das subvencións quedarán sometidos ás responsabilidades e réxime sancionador contidas no Título IV da Lei Xeral de Subvencións (LXS)

12.5.—Por acordo da maioría dos membros do Consello Reitor, previo informe de Intervención, Secretaría e técnicos da Fundación de Deportes, poderase sancionar ca imposibilidade de solicitar a subvención do seguinte exercicio, a aqueles Clubes/Entidades Deportivas, que incumpran algún dos seguintes puntos:

- a) Falsear documentos, memorias, presupostos ou certificacións.
- b) Non renunciar a subvención tan pronto como se teña constancia de que non cumples os requisitos imprescindibles da mesma ou da lexislación vixente.
- c) Non xustificar a subvención asignada.
- d) A sabendas, presentar na xustificación, recibos ou facturas manifestamente falsos.
- e) Non destinar os fondos da subvención ao obxecto polo que se concedeu a mesma.



Xoves, 28 de febreiro de 2019

Núm. 42

### 13.—CRITERIOS DE VALORACIÓN:

Para determinar a contía de cada unha das subvencións a conceder teranse en conta o seguintes criterios:

— Segundo o presuposto de gastos, a axuda económica será maior dependendo dos seguintes aspectos:

- Categoría do evento:
  - 1º.—Internacional
  - 2º.—Nacional
  - 3º.—Autonómico
  - 4º.—Local
- Nº de Equipos participantes:
  - 1º.—Por equipos
  - 2º.—Individual
- Duración da actividade:
  - 1º.—Seis xornadas ou máis
  - 2º.—De tres a 5 Xornadas
  - 3º.—De dúas Xornadas
  - 4º.—De unha Xornada
- Competición:
  - 1º.—Oficial
  - 2º.—Non oficial.

— Segundo actúe a Fundación de Deportes:

- 1º.—Patrocinio
- 2º.—Colaboración

— Antigüidade e consolidación do evento.

— Segundo o presuposto de ingresos, a axuda económica será menor dependendo dos seguintes aspectos:

- Cotas de inscricións ou Entradas.
- Outras Subvencións de Administracións Públicas.
- Outros Copatrocinadores, tanto público coma privados.”

Nota: Todos estes puntos tomaranse en consideración para a aprobación de calquer axuda económica, podéndose puntuar das seguintes formas:

a) Por porcentaxe dos presupostos presentados



Xoves, 28 de febreiro de 2019

Núm. 42

b) Por puntuación dependendo dos criterios de presuposto de gastos, tendo en conta os puntos do presuposto de ingresos.

c) Diferentes cantidades dependendo dos dous presupostos.

— As axudas non poderán exceder de 10.000,00 €, para cada actividade ou evento deportivo e, xamaís poderá ser de tal contía que en concorrencia coas subvencións doutras entidades públicas ou privadas, supere o custo ou déficit segundo corresponda, da actividade obxecto da subvención.

#### 14.—COLABORACION:

Os Clubes/Entidades Deportivas que sexan destinatarias de esta subvención municipal, comprométense a colaborar ca Fundación Deportiva naquelas actividades para as que sexan requeridos, dentro da súa modalidade deportiva e sempre cando non ocasione perxucios ao desenrolo das súas competicións oficiais, nin a súa economía.

Estas colaboracións terían que estar encadradas en eventos ou actividades como:

14.1.—Festa do Deporte.

14.2.—Actividades do tipo: Semana da Mobilidade, Días do Deporte, etc...

14.3.—Exhibicións con motivo de actos festivos.

14.4.—Representación en acontecementos deportivos supramunicipais.

Sinatura Dixital

O presidente







**SOLICITUDE DE SUBVENCIÓN, EJERCICIO 2019 DESTINADAS Á ORGANIZACIÓN DE ACTIVIDADES DEPORTIVAS EXTRAORDINARIAS, REALIZADAS DURANTE O ANO 2018\***

DON/DONA		DNI	
EN CALIDADE DE			
E/R DO CLUB/ENTIDADE DEPORTIVA		CIF	
DOMICILIADO EN			
CORREO ELECTRÓNICO A EFECTOS DE NOTIFICACIÓN			
CODIGO POSTAL	LOCALIDADE	PROVINCIA	TELÉFONO
Nº CONTA BANCARIA (BIC E IBAN) BIC: _____ IBAN: _____			
ACTIVIDADE DEPORTIVA OBXECTO DA SUBVENCIÓN			

**EXPÓN\***

A ACTIVIDADE DEPORTIVA REALIZADA VIU DETERMINADA POR:

DECISIÓN PROPIA

ALCANZAR A CLASIFICACIÓN NECESARIA

DESIGNACIÓN DE \_\_\_\_\_

**SOLICITA\***

Da Fundación de Deportes que Vde. preside a concesión dunha axuda económica destinada a financiar parcialmente o custo da citada actividade.

AXUDA ECONÓMICA DE \_\_\_\_\_ euros

\* **IMPORTANTE:** É imprescindible cubrir todos os campos.

## **DOCUMENTOS QUE SE ACOMPAÑA**

BREVE MEMORIA DA ACTIVIDADE REALIZADA, INCLUÍNDO: DATAS, LUGAR DE CELEBRACIÓN, Nº DE PARTICIPANTES E ORZAMENTO DETALLADO DE GASTOS E INGRESOS:

- INGRESOS (CÍTENSE TODOS CO SUFICIENTE DETALLE).

- GASTOS:

- CANÓN DE CONCESIÓN
- DESPRAZAMENTOS EQUIPOS PARTICIPANTES
- ESTANCIA EQUIPOS PARTICIPANTES
- ARBITRAXE
- MATERIAIS CONSUMIBLES
- PUBLICIDADE
- TROFEOS
- OUTROS

DECLARACIÓNS DO CLUB/ENTIDADE DEPORTIVA DE: “NON ATOPARSE EN NINGÚN SUPOSTO DE INCAPACIDADE E INCOMPATIBILIDADE PARA A PERCEPCIÓN DE SUBVENCIÓNS OU AXUDAS PÚBLICAS **(ANEXO I)**” E “DAS AXUDAS ASIGNADAS OU RECIBIDAS POR OUTRAS ADMINISTRACIÓNS PÚBLICAS, BEN DIRECTAMENTE OU BEN A TRAVÉS DAS FEDERACIÓNS DEPORTIVAS, ASÍ COMO DOUTROS AXENTES PARA A MESMA FINALIDADE **(ANEXO II)**.”

CERTIFICACIÓN ORIXINAL OU AUTORIZACIÓNS AO CONCELLO E/OU FUNDACIÓN DE DEPORTES PARA QUE POIDA CONSULTAR OU SOLICITAR OS CERTIFICADOS DE ESTAR AO CORRENTE COA RECADACIÓN MUNICIPAL, SEGURIDADE SOCIAL, AXENCIA TRIBUTARIA ESTATAL E COA CONSELLERÍA DE ECONOMÍA E FANCENDA **(ANEXO III)**.

DECLARACIÓN DO CLUB/ENTIDADE DEPORTIVA DE “ TER CUMPRIDO O OBXECTO DA SUBVENCIÓN **(ANEXO IV)**.

OUTRA DOCUMENTACIÓN QUE CONSIDERE DEBA SER TOMADA EN CONSIDERACIÓN, EN RELACIÓN CO BAREMO.

*A solicitude e anexos formalizaranse nos modelos normalizados que se facilitarán no portal municipal, [www.vilagarcia.es/taboleiro](http://www.vilagarcia.es/taboleiro) ou na Sede Electrónica, <http://sede.vilagarcia.gal>, sección da Fundación de Deportes (Modelos da Fundación de Deportes).*

En Vilagarcía de Arousa, \_\_ de \_\_\_\_\_ de 201\_

O representante Legal

SR. PRESIDENTE DA FUNDACIÓN PÚBLICA DE SERVIZOS DEPORTIVOS MUNICIPAIS DO CONCELLO DE VILAGARCÍA DE AROUSA



**ANEXO I**  
**DECLARACIÓN DE INCAPACIDADE E INCOMPATIBILIDADE\***

D/Dna. \_\_\_\_\_, como \_\_\_\_\_ (indicar cargo) do Club/Entidade Deportiva \_\_\_\_\_, solicitante da axuda da Fundación Pública de Servizos Deportivos Municipais do Excmo. Concelo de Vilagarcía de Arousa, para A ACTIVIDADE DEPORTIVA \_\_\_\_\_, realizada no ano 2018.

**DECLARO, BAIXO A MIÑA RESPONSABILIDADE:**

Que o devandito Club/Entidade Deportiva non se atopa en ningún dos supostos de incapacidade e incompatibilidade para a percepción de subvencións ou axudas públicas, conforme a Lei 38/2003 de 17 de novembro, Xeral de Subvención.

En Vilagarcía de Arousa, \_\_ de \_\_\_\_\_ de 201\_\_  
O representante Legal

**ANEXO II**  
**DECLARACIÓN DOUTRAS AXUDAS\***

D/Dna. \_\_\_\_\_, como \_\_\_\_\_ (indicar cargo) do Club/Entidade Deportiva \_\_\_\_\_, solicitante da axuda da Fundación Pública de Servizos Deportivos Municipais do Excmo. Concelo de Vilagarcía de Arousa, para a ACTIVIDADE DEPORTIVA \_\_\_\_\_, realizada no ano 2018 e, en relación a outras axudas solicitadas, tanto aprobadas ou concedidas como a pendentes de resolución, das distintas Administracións Públicas, ben directamente ou ben a través das Federacións deportivas, así como doutros axentes para a mesma finalidade.

**DECLARO, BAIXO A MIÑA RESPONSABILIDADE:**

Axudas concedidas:

Non se me concedeu ningunha outra axuda para a mesma finalidade.

Si se me concedeu outra axuda para a mesma finalidade.

Importe	Data da resolución	Institución
_____	__/__/____	_____
_____	__/__/____	_____
_____	__/__/____	_____

Axudas solicitadas:

Non se me concedeu ningunha outra axuda para a mesma finalidade.

Si se me concedeu outra axuda para a mesma finalidade.

Importe	Data da resolución	Institución
_____	__/__/____	_____
_____	__/__/____	_____
_____	__/__/____	_____

En Vilagarcía de Arousa, \_\_ de \_\_\_\_\_ de 201\_\_  
O representante Legal



**ANEXO III**  
**AUTORIZACIÓN ADMINISTRACIONES PÚBLICAS\***

D/Dna. \_\_\_\_\_, con D.N.I. \_\_\_\_\_,  
como \_\_\_\_\_ (indicar cargo) do Club/Entidade Deportiva  
\_\_\_\_\_, solicitante da axuda da Fundación Pública de Servizos  
Deportivos Municipais do Excmo. Concelo de Vilagarcía de Arousa, para a ACTIVIDADE  
DEPORTIVA \_\_\_\_\_, realizada no ano 2018.

**AUTORIZO, BAIXO A MIÑA RESPONSABILIDADE:**

Ao Excmo. Concello de Vilagarcía de Arousa ou/e á Fundación de Deportes a obter a  
certificación na que se acredite que o Club/Entidade Deportiva está ao corrente nos pagos  
coas Administracións Públicas que a continuación de relacionan:

- Recadación Municipal do Excmo. Concello de Vilagarcía de Arousa
- Seguridade Social
- Axencia Tributaria Estatal
- Consellería de Economía e Facenda

En Vilagarcía de Arousa, \_\_ de \_\_\_\_\_ de 201\_\_  
O representante Legal



#### ANEXO IV

#### DECLARACIÓN DE CUMPRIMENTO DE OBXECTIVOS\*

D/Dna. \_\_\_\_\_, como \_\_\_\_\_  
(indicar cargo) do Club/Entidade Deportiva \_\_\_\_\_, solicitante da  
axuda da Fundación Pública de Servizos Deportivos Municipais do Excmo. Concelo de  
Vilagarcía de Arousa, para a ACTIVIDADE DEPORTIVA  
\_\_\_\_\_, realizada no ano 2018.

#### DECLARO, BAIXO A MIÑA RESPONSABILIDADE:

Que o devandito Club/Entidade Deportivas ten cumprido o obxecto da subvención concedida  
para a citada actividade.

En Vilagarcía de Arousa, \_\_ de \_\_\_\_\_ de 201\_\_

O representante Legal

*\* IMPORTANTE: É imprescindible cubrir todos os campos.*